

سیرت النبی صلی اللہ علیہ وسلم

سیرت النبی صلی اللہ علیہ وسلم

اتبعون اهدکم سبیل الرشاد

والله يهدي من يشاء الى صراط مستقيم . دینی ، علمی ، ادبی ، سیاسی ہفتہ لاق مجموعہ اسلامیہ در

صاحب و مدیر مسئول : ح . اشرف ادیب

جلد ۱ - ۸

۳ مایس ۱۳۲۸

پنجشنبہ

۲۹ جاذی الاول ۱۳۳۰

عدد ۱۱ - ۱۹۳

طوقوزنجی سنه حجك ذی الحججه ده دكل، بلكه ذی القعده ده ادا ایدیش بولندیغی میدانه چقیور دیمك ایستور . فقط بونك او قدر صاعلام بر دلیل اولدیغی میدانده در . چونكه طوقوزنجی سنه حجك مثلاً ذی الحججه ده ادا ایدیش بولمسندن فرضیته اقتضای اقتضا اتمز . چونكه حجك شریعت ابراهیمیجه وقت اصلیسنه عودت ایتسی و بناء علیه طوقوزنجی سنه حجك او وقت ادا ایدیش اولمسیله شریعت اسلامیجه وجوبی آراسنده برتلازم یوقدر .

طوقوزنجی سنه حجك ذی القعده آینده ادا ایدیش اولدیغنه دائر حضرت مجاهدك سوزینی تقویه ایده جك صاعلامجه هیچ بر شینه تصادف ایدیه مدیكى حالده ذی الحججه آینده ادا ایدیش بولمسی حقدنه علم دكلسه بیله قوی بر ظن تأمین ایدیه بیله جك استنادكاهلر بولمق قابلدرد . سورة توبه نك « و آذان من الله ورسوله الى الناس يوم الحج الاكبر ان الله برئ من المشركين » آیت کریمه سننده « يوم الحج الاكبر » ك « يوم النحر » ایله تفسیری مآثور اولمش و بو یوم نحر كده طوقوزنجی سنه سی حضرت علینك مناده مأموریتنی ایفا ایتدیكى كونك « يوم نحر » اولیشنه نظراً او حجك ذی الحججه ده ادا ایدیش اولدیغنه قائل اولمق ممكن در . چونكه یوم نحر ك ایام ذی الحججه دن اولدیغی معلومدر .

ینه براءة سورة جلیله سنه « انما النسئی زیادة فی الكفر یضل به الذین كفروا یحلونه عاماً و یحرمونه عاماً لیواطوا عدة ما حرم الله فیحلوا ما حرم الله زین لهم سوء اعمالهم والله لا یهدی القوم الكافرين » دیه تفسیح ایدیلر كن دیکر طرفدن حجك مشروع اولدیغی وقتدن مقدم اوله رق نسئی ایله ذی القعده آینده ایدیش بولمق احتمالی یوقدر . چونكه اولجه سوبلندیكى اوزره سورة جلیله هر حالده طوقوزنجی سنه حجندن اول نازل اولمشدر . شو حالده مسلمین هیچ بر معذرت یوق ایكن ، امر حج كندی اللرنده ایكن حجلرینی اسلامتجه اولان نسئی اوزرینه بنا اتمیه جككری شهه سزدر .

حلم ثابت

تألیف

قلیچ دینی

دردنجی باب

مطام ربی اسرائیل

حکام عصری تاریخ بنی اسرائیلك دوره قهرمانیسیدر ؛ بودوره بر جوق جسورانه سرگذشتلر ، بر طاقم احوال قهرمانانه شخصیه مشهور اولور . حکای نام و موقعلرینه اصعاء ایدن مزیات ، فعالیت شخصیه ، جرأت و خدعه دن عبارت ایدی . بودوات بر حکومت عظیمه نك قانونی رؤساستندن زیاده شجیع ، متشبث اختلافلرله ، عصاته مشابه بولنیورلر . باقیلرسه عبرانی حکامنك وظیفه و صلاحیتلری بر لزوم شدید اوزرینه ،

هجرتك طوقوزنجی سنه سی ایفا ایدیلن بوحج ، فرض اوله رقی ، یاخود فرض دکرده مشروعیت قدیمه سی اوزره باتی قالدیغندن سنت سنیه خلیله یه اتباعامی قیلنمشدر ؛ علمای محترمه ایشته بوجهتلك تعیینی خصوصنده اختلاف ایتشلردر . دقت ایدیه جك اولورسه بواختلاف حجك تاریخ افتراضی ، برده طوقوزنجی سنه سی حجك ذی القعده ده می ، یاخود ذی الحججه ده می ایفا ایدیش اولدیغی حقدنه کی اختلافلردن نشأت ایتكده اولدیغی کوریلیر . حج هجرتك اونجی سنه لری ابتداسنه طوغری فرض ایدیش ، یاخود طوقوزنجی سنه حجی ذی القعده ده قیلنمش ایسه ، شبهه سز حج مبحوث عنك فرض اوله رق ایفا ایدیه مش اولدیغی آ کلاسیور . چونكه تکلیف وقوع بولمده دن ادا ایدیلن حجك فرض اوله رق قیلنمش صایلمسی ممکن اولمادیغی کی ، شریعت اسلامیجه فرض اولان حججه ده آنجق ذی الحججه نك ایلک اوننده کی معین کونلرده اجرا ایدیلیر . شو حالده بورا ده اولان طوقوزنجی سنه حجك ذی القعده ده می ، یوقسه ذی الحججه ده می ادا ایدیش اولدیغی ؛ ثانیاً حجك تاریخ افتراضی حقدنه اولان سوزی مختصراً اولسون نظر تفتیش و محاکمه دن بکیرمك اقتضا ایدر .

مجاهد رضی الله عنه و اتباعی بوحجك ذی الحججه ده دكل ، بلكه عادت جاهلیه اوزره نسئی طریقته وقت اصلیسندن تقدیماً ذی القعده آینده اجرا ایدیش اولدیغی درمیان ؛ بعضری ده بونك ذی القعده ده دكل ، بلكه ذی الحججه آینده ، حج کونلرنده قیلنمش اولدیغی روایت ایدیلر . ایشته بوسوزلرک ایکسی ده ادعا دكل ، بلكه اولمش تمش بر حادثه نی حکایه و روایتدن عبارتدر . فقط اویله روایتلرکه برینك صدقی ، دیکرینك وهم و خطا اولدیغی اقتضا ایدیلر . چونكه عین حادثه نك هم ذی القعده ، هم ده ذی الحججه ده وقوعه کیش بولمق احتمالی یوقدر . هر حالده بریسنده وقوعه کیش اوله جقدر . علمای متأخریندن بعضری برنجی روایتی ، بعضری ده ایکنجی روایتی قبول ایتشلردر . فقط بزجه هیچ بر طرفك اسباب ترجیحندن اوله رق استناد ایتدیكى دلیلاره کسب وقوف میسر اوله مدی . یالکز ابن قیم الجوزیه حضرت تلرینك فی الجمله مجاهد طرفه میل ایدرک : « وعلى هذا فلم يؤخر النبي صلى الله عليه وسلم الحج بعد فرضه عاماً واحداً بل يبادر الى الامتثال في العام الذي فرض فيه وهذا هو الايق برديه و حاله صلى الله عليه وسلم » دیدی کوریلور که طوقوزنجی سنه حجك ذی القعده ده قیلنمش بولمسنندن ده فرضیت توجه اتمه مش و بناء علیه پیغمبر حال و شان نبویلرینه موافق اولدیغی وجهله فرض اولدیغی سنه دن تأخیر اتمه یوب اونونجی سنه سی خطاب توجه ایتدیكى کی ، علی الفور ادا ایتمش اولمسی لازم کلیور دیمکدر . کویا طوقوزنجی سنه حجی ذی الحججه ده قیلنمش اوله ایدی ، بونك فرض اوله رق ایفا ایدیلسی ، بوحالده پیغمبرك طوقوزنجی سنه ده قیلنمشی اقتضا ایدن حجی اونونجی سنه یه تأخیر ایتمش اولمسی لازم کله جکدی . بوشبهه سز شان رسالته پکده ملایم دوشمز . ایشته ابن قیم حضرتلری شو مطالعه یه کوره

بر حالت فوق العاده دن دولایی قوای ملیه نك موقع ریاسته اصعاد ایدلش بر عسکری (دیقناور) ککنه پک مشابه کورینور . بونکه برابر « حکام » دخی بر طاقم قوانین اساسیه تابع ایدی . حکام دوری اثناسنده دخی بنی اسرائیل طرفندن (قبلیج) دین ملیری دشمنلرینه قارشی پک مزم بر آلت تدافع و تعرض عد اولتمقده دوام ایتش دره . (کتاب الحکام) ک ایلك باندہ (بزك) ده بیکارجه انسانك قتل و اعدام اولندیغنی حکمدار (آدونی - بزك) ک اسارتی ، آنک جناب متعالك « منتخب قوللری » اولان بنی اسرائیل طرفندن نصل بر صورت مدهشده پارچه لاندیغنی اوقویورز :

« و آدونی - بزك قایدی ، آنلر (یعنی بنی اسرائیل) آرقه سندن تعقیب ایتدیلر ، طوتدیلر ، آللرینک و آیاقلرینک باش پارمترلرینی کسدیلر ؛ قدسه کتیردیلر . اوراده اولدی [۱] » ینه ینه کتابده عین بابک کریننده (خرما) و (بتل) شهرلرینک کایاً خراب ایدلدیکی مسطوردر .

اوچنجی بابده (اکلون) لی (آخاذ) طرفندن (موآبی) لرك حکمدارینک قتلی کوریلور . « و اوزمان مؤابده تقریباً اون بیک کیدی قتل ایتدیلر . بر کیمسه قورتلادی . صوکره (آنات) اوغلی (شمعار) وار ایدی که : بر اوکوز اوکندرهمی ایله فلسطین لیلردن آلتی یوز کیشی بی اولدیردی [۲] .

تاریخ جهانک اک سیاه واک خائنه حکمایه لرندن بری اولان (جائل) ک قاتلکی حقنده ایسه بوراده فضله تفصیلا نه میدانمز یوقدر . ذاتا دیگر حکمایه لر کبی بوزده اوقدر مشهوردر که : اعطای تفصیلاتی زائد عد ایدرز [۳] . بونکه برابر خرستیان راهب لرنندن برینک اثرندن شوسطرلری ده نقل ایله حکم [۴] .

« اولاً : شرق اها ایسنک حقوق مهمانپروری بی ، و بونامه بر دکراری وعد و کفالتی نه درجه مقدس عد ایله دکرینه نظر دقتی جانب ایدرم . شاید آره ده برلقمه یک ینلمش واکرام اولنمش ایسه بو طرفینک یکدیگری حقنده هیچ بر فالتی یاغمایه جنی خصوصنده بر کفالت قدسیه . بر قسم متامنه قائم اولور .

حتی شرقده شویله بر حکمایه واردر : بر حیدود مائه طمعاً برینی قتل ایتک اوزره کیجه خانه نه کیرمش ؛ سورونلرک ، دیوارلری طوتهرق یور برکن بر آره لقی الی آغزیننه سورنجه پارمغه طوز بولاشمش اولدیغنی دلیلله حس ایتش ؛ بونک اوزریننه طوزینی طاندینی بر آده ، بر خانه یه خیانت ایتنک نه قدر عظیم بروجدانسزلقی اولدیغنی دوشونلرک آلدینی اشیایی ترک وافکارندن صرف نظر ایدوب خانه دن چیقمش ؛ مؤخرأ خانه صاحبینی بولوب حیانتک نصل قورتلدیغنی ا کلامش ، اعتراف قصور ایتش . « بوسطرلری طوز ،

آکک حقتک قدسیتی ایضاح ایچین آلدق ؛ آنجق (جائل) ک حرکتی بوسبوتون محکوم ایلدین جهت (سیهرا) نك حکمداری ایله آنک زوجی (ابر) آره سنده ذاتاً صلح و مسالمتک موجودیتدر . (جائل) قوجه سنک بر دوستی صفتیله (سیهرا) بی قبول ایدمک « کیریکز ، افندم ، کیریکز ،

قورقماکیز ! » دیر و بورغون محارب (جائل) ک آندن بر قاقچ یودوم سود ایچدکن صوکره یاتوب او یور . تعیب ایدن فاجعه خذیت انکیز ایسه معلومدر . بوجنایت مدهشه ایچین تصور اولنه بیله جک یکانه معذرت وارسه اوده مظهر اسرائیلرک بردشمننی حمایه ایتهمی جریمه قوجه سنک محکوم اولاجغه عائد بر خذیت شدیدنه نك بردن بره (جائل) ی استیلا ایتش اولماسی در . آنجق بویله ده اولسه - بالخاصه بو کونلرده - بوقادینک حرکتی برجنایت ، نك قانلی برجنایت دن باشقه صورتله تلق ایدنه بیله جک بر قلب تصور اولنه ماز . ایدمی

(کتاب الحکام) ک بشنجی بابنه کله جک اولور - کز (دیورا) ایله (باراق) ک نغماتنده شو جله لری بوله جفسکر :

« بوتون قادیلردن زیاده (ابر) ک زوجی (جائل) مقدس اوله جق . مرکز بنی اسرائیلده کی قادیلردن فضله مبارک اوله جق . « بوتون دشمنلرک بویله محو اولسون یاری : « ایشته بر نیه نك ، مظهر وحی والهام بر قادینک [۱] کتاب الیوشع - اونجی باب . [۲] کتاب الیوشع - یکریمی دردنجی باب . [۳] کتاب الحکام - دردنجی باب . [۴] عهد جدید و عهد عتیق اوزریننه قونفرانس لر - ادموند هول - اوقسفورد .

سوزلری ؛ و ایشته کرک موسولرک ، کرک خرستیانلرک - حتی بوکون بیله - او « غیر قابل ادراک بروجود » اولان « روح القدس » ک وحی والهامی ایله یزلش اصلا یا کلام « کلام الله » اعتقاد ایتدکاری تورات وانجیللرینک بر قسمی ؛ (جدعون) ک وقایع حریمیسنی ، آنک ریاستی تحتنده و « ربک و جدعون ک قبلیجی یاردمی ایله » مدیانیلرک حکمدارلری اولان (اورب) ایله (زئب) ی نصل اسیر ایدوب (اورب) ی (اورب) قیاسی اوزرنده ، (زئب) ی (زئب) شراب باصقیسنده قتل ایتدکارینی ، مدیانی تعقیب ایله یه رک (اورب) ایله (زئب) ک باشلرینی (جدعون) ه کتیردکلرینی ده بوراده اوزون اوزادی یه یازمایه جغزکه [۵] (یفتاح) ک دور حاکمیتنده عموریلرک (عمون قبیله سنک) محو و اتلافی . روح الهی کندیسنه حلول ایدنجه اوتوز کیشی بی قتل و بونلرک الیه سی . کویا زجه می عد ایله دیکی حیله کار قادینک بائی آلتندن اوانی اوزره ، صور دینی باطل سئواله جواب ویردیکنی ظن ایله دیکی بر قاقچ کیشی یه مکافاتاً بخش ایله ی (شهسون) ک شایان حیرت اجرا آتی . بالخاصه بر خمارک چکه کیکی ایله بیک کیشی بی قتل ایتهمی کبی شیلرده بوقبیلدندر .

(اشموئل) علیه السلام تاریخ بنی اسرائیلده بر نقطه مضیه کبی دورور ؛ آنک زماننده مات اسرائیلیه اداره عادل و مقدرانه سی سایه سنده صلح و سلامت و سادتن مستفید اولش ایسه ده اختیارلنده موقع اقتداره کلش اولان اوغللری محترم پدرلرینک طریق عادلانه سنه کیتنه مشلردر . چونکه فضیلت اخلاقیان محروم ایدیلر . نهایت اهالی بوشوش ، اطراد بز طرز اداره دن اوصانهرق و توزیع عدالت و منتظم بر قوه عسکریه تأمینی ایچون قوی . انتظام پرور بر اصول داردنک لزومه قائل اوله رق ملنک باشی باشنه بر حکمداره مالکیتنی طلب ایتشلردر و ایشته بوجهله درت یوز آلتش سنه دوام ایدوب بر طاقم اسارتلر و اکتساب استقلال اوغرنده خون آلود ، شدتکوز مبارزه لر الواحی عرض ایله ی حکام دوری ده نهایت بولاش دره . بناء علیه نظر تدقیق جزئی شیمدی حکومت عبرانیه نك ترقی ، عظمت و انحطاط دورلرینه عطف ایدم .

مترجمی

علی رضا سیفی

[اعتماد . - ۱۸۵ نجی صحیفه نك ایکنجی ستوننده کی (قبلیج دخی) مقاله سنک بشنجی سطر ی ابتداسی اولان « بنی اسرائیل بادیله لری کچوب (رفیدین) . . الخ) کله سندن بلا اعتبار ۱۵۹ نجی صحیفه نك برنجی ستوننده کی یکریمی ایکنجی - طرده جمله نهایتی اولان « دیمه لری شایان دقتدر . « ه قدر اولان پارچه فضله بر مسوده و متک ناقص معاینسی افاده ایتکده اولوب حسب البشریه یکی ترجمه قاریشدرلش اولدیغندن طلب عفو ایلر و فضله ع - ایدنه سنی إخطار ایدرم .] ع . س

افغانستان

امیر عبدالرحمن شاه

مابعد

شاهک وزراسندن اولوب آستانه مقدسه تولیتنده بولونان (دبیر الملک) بنی خانه سنه دعوت ایتدی . کیتدم ، غایت صمیمی کوروشدک .

مشهدده اقامتمز اثناسنده صیتمه یه طوتولدم و اون بش کون قدر مضطرب اولدم . بالا آخره جناب حق شفا احسان بویوردی .

ایکنجی دفعه اولارق شاهک عمجه سیله کوروشدیکمزده :

[۵] کتاب الحکام - یدنجی باب .